

續
文
獻
通
考

續文獻通考卷之一百五十六

皇明進士雲間王圻纂輯

樂考 樂歌上

樂歌

遼雅樂歌詞文缺不具

金郊祀樂歌

皇帝入中壇宮縣黃鍾宮昌寧之曲凡武同

袞服穆穆 臨于中壇 瞻言玄壇

皇皇后帝 禋祀肇稱 馨香惟德

降神宮縣乾寧之曲仁豐道洽之舞圓鍾爲宮黃鍾
爲角太簇爲徵姑洗爲羽圓鍾三奏黃鍾太簇姑洗

皆一奏詞並同

我金之興

皇天錫羨

惟神之休

妥茲郊見

有玉其禮

有牲其薦

將受厥明

來寧來燕

皇帝盥洗宮縣黃鍾宮呂寧之曲

因天事天

惇宗將禮

爰飭攸司

未時壘洗

挹彼注茲

迺升壇陛

先事而虔

神勞豈第

皇帝升壇登歌大呂宮呂寧之曲

相在國南

崇崇其址

烝哉皇王

惟時蒞止

至誠通神

克禋克祀

於萬斯年 昊天其子

昊天上帝真玉幣登歌大呂宮洪寧之曲

穆穆君王 有嚴有翼 佩環鏘然

圓壇是陟 嘉德升聞 馨非黍稷

高明降監 百神受職

皇地祇神寧之曲

肅敬明祇 躬行尊贊 其贊維何

黃琮制幣 從祀羣靈 咸秩厥位

維皇能享

配位太祖皇帝永寧之曲

肇舉明禋 皇天后土 皇祖武元

爰作神主

功昭耆定

歌以大呂

綏我思成

有秩斯祜

司徒迎俎宮縣黃鍾宮豐寧之曲

穆穆皇皇

天子躬祀

群臣相之

罔不欽止

俎豆畢陳

物其嘉矣

馨香始升

明神燕喜

昊天上帝酌獻登歌大呂宮嘉寧之曲

郊禋展敬

昭事上靈

太尊在席

有配斯馨

酌言獻之

靈其醉止

福祿來宜

以荅明祀

皇地祇泰寧之曲

袞服煌煌

臨彼泰拆

於昭神宮

埋幣瘞血

爰稱匏爵

斟言薦潔

方輿常安

扶我帝業

配位太祖皇帝燕寧之曲

烝哉高后

肇廸丕基

功與天合

配天以推

薦時清旨

孔肅其儀

來寧來燕

福祿綏之

文舞退武舞進宮縣黃鍾宮咸寧之曲

奉祀郊丘

雲門變舞

進秉朱干

停揮翟羽

於昭膺文

復肖聖武

無疆維烈

天子受祚

亞終獻宮縣黃鍾宮咸寧之曲功成治定之舞

掃地南郊

天神以俟

於皇君王

克禋克祀

交于神明

玄酒陶器

誠心靖純

非貴食味

皇帝飲福登歌大呂宮福寧之曲

所以承天

無過乎質

天其祐之

惟靖惟一

泰尊爰挹

馨香薦德

惠我無疆

子孫千億

徹豆登歌大呂宮豐寧之曲

大禮爰陳

爲且孔碩

肅肅其容

於顯百辟

皇皇降監

馨聞在德

明裡斯成 孚休罔極

送神宮縣園鍾宮乾寧之曲

赫赫上帝 臨監裡祀 居然來歆

昭谷祖配 園壇四成 神安其位

升歌贊送 天人悅喜

方丘樂歌

迎神鎮寧之曲林鍾宮再奏太簇角再奏姑洗徵再

奏南呂羽再奏詞同

至哉坤儀 萬彙資生 稱物平施

流謙變盈 禮脩泰折 祭極精誠

皇皇靈春 永奠寔瀛

初獻盥洗太簇宮肅寧之曲

禮有五經

無先祭禮

即時伸虔

惟時盥洗

品物吉蠲

威儀濟濟

錫之純嘏

來歆豈弟

初獻升壇應鍾宮肅寧之曲

無疆之德

至哉坤元

沉潜剛克

資生實蕃

方丘之儀

惟敬無文

神其來思

時歆薦殷

初獻奠玉幣大簇宮億寧之曲

禮行方澤

文物脩舉

惟皇地祇

昭假來下

奠瘞玉幣

純誠內著

神保是享

陟降斯祐

司徒捧俎太簇宮豐寧之曲

四階秩儀

壇于方澤

昭事皇祇

即陰以燠

潔肆于祊

孔嘉且碩

神其福之

如義如式

正位酌獻太簇宮溥寧之曲

蕩蕩坤德

物無不載

柔順利貞

含弘光大

遘豆既存

金石斯在

四海永寧

福祿攸介

配位酌獻太簇宮保寧之曲

太宗配
詞缺

亞終獻升壇太簇宮咸寧之曲

卓彼嘉壇

奠玉方澤

百神祇肅

八音純釋

祀事孔明

柔祇感格

徹豆應鍾官豐寧之曲

修理方丘

吉蠲是宜

邁豆靜嘉

登于有司

芬芬馨香

來享來儀

郊儀將終

聲歌徹之

送神林鍾宮鎮寧之曲

因地方澤

濟濟多儀

樂成八變

靈祇格思

薦餘徹豆

神貺昭垂

億萬斯年

永祐丕基

請望燎位太簇宮肅寧之曲詞同升壇

宗廟樂歌

袷禘親享皇帝入門宮縣無射宮昌寧之曲

武出入步

惟時昇平

禮儀肇興

鳴鸞至止

穆穆造庭

百辟卿士

恪謹迎承

對越祖考

神宇攸寧

皇帝升殿登歌夾鍾宮昌寧之曲

升階及阼還板位皆司登歌

笙鏞既陳

壘尊在戶

升降有容

惟規惟矩

恭敬明神

上儀交舉

永言保之

承天之祐

皇帝盥洗宮縣無射宮昌寧之曲

惟水之功

潔靜精微

洗爵奠斝

于德有輝

皇皇穆穆

宗廟之威

宜其感格

福祉交歸

皇帝降階宮縣無射宮呂寧之曲

於皇神宮

象天清明

有來肅肅

相惟公卿

禮儀卒厝

君子攸寧

孔時孔惠

綏我思成

迎神宮縣來寧之曲黃鍾宮三奏大呂角二奏太

徵二奏應鍾羽二奏詞同

八音克諧

百禮具舉

明德惟清

至誠永慕

神之格思

雲輶風馭

來止來臨

千祀燕處

司徒引俎宮縣無射宮豐寧之曲

惟牲維犧

齋明致祠

我將我享

吉蠲奉之

懌碩肥腍

神嗜爲宜

千秋歆此

永綏黜黎

始祖酌獻宮縣無射宮大元之曲

惟酒既清

惟穀既馨

苾芬孝祀

在廟之度

羞于皇祖

來燕來寧

象功昭德

先祖是聽

德皇帝大應之曲

萬方欣戴

鴻業勛基

瑤源垂裕

綿隆重熙

式崇懿祀

爰考成規

遵豆有楚

益臻皇儀

安皇帝大安之曲

爰圖造邦

載德其昌

皇儀允穆

誕集嘉祥

明誠昭假

積厚流光

祇嚴清廟

鐘石琅琅

獻祖大昭之曲

惟聖興邦

經始之尚

鳩民化俗

還定攸居

迪德純儉

志規遠圖

時哉顯祀

精誠有孚

昭祖大成之曲

天啓施源

貽慶定基

率義爲勇

施德爲威

耀武拓境

功烈巍巍

永昌皇祚

均福黔黎

景祖大昌之曲

丕顯鴻烈

基緒隆昌

聖期誕集

邦宇斯張

尊嚴廟祏

昭格休祥

煌煌繹典

億載彌光

世祖大武之曲

桓桓武功

天鑒其明

惟威靈疊

惟德綏寧

神策無遺

鴻圖以興

皇孫孝祀

通昭厥成

肅宗大明之曲

於皇神人

武烈文謨

左右世祖

懷柔掃除

威震遐邇

化漸虫魚

垂光綿永

成帝之子

穆宗大章之曲

烝哉文祖

欽聖弘淵

慈愛忠信

典策昭然

歆此明祀

繁祉綿綿

時純熙矣

流慶萬年

康宗大康之曲

惟明惟聽

懋輝神功

儀刑世業

昭格上穹

持盈孝孫

薦芳斯豐

錫我福祉

皇化益隆

太祖大定之曲

功超殷周

德配唐虞

天人相應

平統寰區

開祥垂裕

肇基永固

明明天子

敬承典謨

太宗大惠之曲

巍巍德鴻

無爲端宸

祚承神功

究馴俗媿

清宮緝熙

孝慈時祀

欽真著誠

犧尊嘉旨

熙宗大同之曲

昭昭令德

神基丕承

對越在天

享用躋升

於穆清廟

來燕來寧

神其醉止

惟歆克誠

睿宗大和之曲

皇祖開基

周武殷湯

猗歟聖考

嗣德彌光

啓佑弘緒

長發其祥

嚴恭廟享

萬世承嘗

世宗大鈞之曲

神之來思

甫登于堂

裸圭有瓚

桓匭芬芳

穆穆先功

佑啟無疆

萬年肆祀

孝心不忘

顯宗大寧之曲

於皇神功

有嚴惟清

古獨孝祀

惟神之寧

對越在天

綏我思成

敷祐億年

邦家之慶

／章宗大隆之曲

兩紀踐祚

萬方寧康

文經天地

武服遐荒

禮備制定

德隆業昌

居歆典祀

億載無疆

宣宗大慶之曲

猗歟聖皇

三代之英

功光先后

德被群生

牲粢惟馨

鼓鐘其鏗

神兮來思

歆于克誠

文舞退武舞進宮縣無射宮庸寧之曲

明明先皇

神武惟揚

開基垂統

萬世無疆

千戚象功

威儀有光

神保是享

昭哉降康

亞終獻無射宮肅寧之曲

消辰之休

昭祀惟恭

威儀陟降

惟禮是從

遵且靜嘉

於論鼓鐘

惟皇受祉

監斯德容

皇帝飲福登歌夾鍾宮福寧之曲

犧牲克潔

粢盛馨香

來格來享

精神用彰

飲此純嘏

簡簡穰穰

文明天子

萬壽無疆

徹豆登歌夾種宮豐寧之曲

孝祀肅穆

明德以薦

樂奏九成

禮終三獻

百辟卿士

進徹以時

小大稽首

神保歸

送神宮縣黃鍾宮來寧之曲

絜茲牛羊

清茲酒醴

三獻攸終

神既燕喜

神之去兮

載錫繁祉

萬壽無疆

永保禋祀

郊祀前朝享太廟樂歌

皇帝入門宮縣無射宮昌寧之曲

郊將升禋

廟當告虔

錫鑾戾止

孝寔奉先

祀事斯舉

有序無愆

祇見祖考

神意懽然

皇帝升殿登歌夾鍾宮昌寧之曲

皇皇天子

升自阼階

奠見祖禰

肅然有懷

百禮已洽

八音克諧

既昌且寧

萬福沓來

迎神宮縣來寧之曲黃鍾三奏大呂角二奏太簇徵

二奏應鍾羽二奏詞同

以實應天

報本反始

潔茲豐盛

禮先肆祀

風馬雲車

神之弔矣

來止來宜

而燕翼子

皇帝盥洗宮縣無射宮昌寧之曲

有水于壘

有巾于筐

悅手拭爵

圭衮有煒

玄酒太羹

德馨惟菲

萬年昌寧

皇皇負宸

皇帝升階宮縣無射宮昌寧之曲

降階同

巍巍京師

有嚴神宮

聖主戾止

多士雲從

來享來享

肅肅其容

將昭大報

庸示推崇

司徒奉俎無射宮豐寧之曲

陳其犧牲

惟純與精

苾芬孝祀

於昭克誠

不疾痼蠹

或剥或烹

洋洋在上

以交神明

始祖酌獻宮縣無射宮大元之曲

猗歟初基

兆我王迹

其命維新

貽謀丕赫

綿綿瓜瓞

國步日闢

堂構之成

焜煌今昔

獻祖大昭之曲

以聖繼興

成王之子

民從其化

咸真厥居

清廟觀德

猗與偉與

金石脩樂

以奏神娛

昭祖大成之曲

東夷不庭

皇祖震怒

神武削平

貽厥聖緒

猶室有基

垣墉乃楫

億萬斯年

天保孔固

景祖大昌之曲

於皇藝祖

其智如神

修法施令

百度惟新

疆宇日廣

海隅咸賓

功高德厚

耀耀震震

世祖大武之曲

於皇先王

昭假千天

長駕遠馭

麾斥無前

王業猶生

孫謀克傳

圓壇展禮

敢先告虔

肅宗大明之曲

猗歟前人

簡惠昭融

相我世祖

成茲武功

敷佑來葉

帝圖其隆

將修熙事

先教神宮

穆宗大章之曲

仁慈忠信

惟祖之休

功克岐下

迹掩商丘

仰瞻清廟

懷想前修

神其來格

歆茲庶羞

康宗大康之曲

猗歟前王

惠我無疆

儀刑典法

日靖四方

永言孝思

於乎不忘

昭告大祀

祗率舊章

太祖大定之曲

天生聰明

俾乂蒸人

惟此二國

爲我毆民

捷彼威武

萬邦咸賓

明昭大報

推而配神

太宗大惠之曲

維清緝熙

於昭明德

我其收之

駿奔萬國

南郊肇修

大典增飾

清廟吉蠲

純禧申錫

睿宗大和之曲

維時祖功

肇闢神基

昭哉聖考

其德增輝

上動天監

明命攸歸

謀貽翼子

無疆之辭

文舞退武舞進宮縣肅寧之曲

先皇開基

比迹殷湯

功加天下

武德彌光

容武衆成

于戈威揚

於昭報本

懷哉不忘

亞終獻宮縣無射宮肅寧之曲

於皇宗祊

朝獻維時

芬芬酒醴

棣棣威儀

誠則有餘

神之格思

神孫千億

神其相之

皇帝飲福登歌夾鍾福寧之曲

皇皇穆穆

丕承丕基

躬親于禋

載肅載祇

對越在天

神歆其誠

于以飲酒

如川之增

徹豆登歌夾鍾宮豐寧之曲

物維其時

既豐且旨

苾苾德馨

或將或肆

神之居歆

協于百禮

於萬斯年

穰穰介祉

送神宮縣黃鍾宮來寧之曲

濟濟多儀

皇皇雅奏

獻終反爵

薦餘徹豆

神監昭回

有秩斯祐

無疆之福

申錫厥後

裕禘有司攝事樂章

初獻盥洗官縣無射官肅寧之曲

祀事之大

齊栗爲先

潔精以獻

沃盥于前

既灌以升

乃薦豆鬯

神其感格

歆于吉蠲

升自西階登歌奏夾鍾宮嘉寧之曲

餘並同親祀

國有大宮

合食以禮

躋階肅肅

降陛濟濟

鏗然純音

節乃容止

神之格思

永綏福履

時享攝事登歌

初獻盥洗無射官肅寧之曲

酌彼行潦

惟挹其清

潔粢以祀

祀事昭明

顯允辟公

沃盥乃升

神之至止

歆于克誠

初獻升殿夾鍾宮嘉寧之曲

餘同親祀惟不用官懸

濟濟在庭

祇薦有序

雍容令儀

旋規折矩

爰徂于基

鳴珮接武

敬恭明神

來寧來虞

昭德皇后宣孝太子別廟俱有樂章追上睿宗熙宗

冊寶亦有樂章不悉載

金殿庭樂歌

大定七年正月上冊寶皇帝將升御座宮縣樂作太簇宮

泰寧之曲

降座同

德隆帝位

承天而興

侯邦來庭

民居安寧

歸美以報

傳之無極

鴻名徽稱

壽時萬億

冊寶入門奏天保報上之曲

四方既平

功歸聖明

定功魏魏

丕享鴻名

股肱良哉

揄揚元首

儲情優游

南山等壽

奏冊寶官將復班位奏歸美揚功之曲

聖德高明

萬邦咸休

錙銖唐虞

糠粃商周

惟時群臣

對駁稽首

天子明明

令聞不朽

冊寶初行奏和寧之曲

冊寶將升殿皇太子自侍立位至降階司

四方攸同

昭哉成功

時和年豐

諸福來崇

英聲昭騰

和氣充塞

於乎皇王

惟壽時億

皇太子升殿賀奏同心戴聖之曲

穆清皇風

遐方來同

於昭於天

物和歲豐

丕受鴻名

對揚偉績

純嘏穰穰

敷錫罔極

上壽皇帝將升御座宮縣和寧之曲

同前

舉酒萬壽無疆

四海太平

吾皇之功

群臣對揚

誕受鴻名

霞觴瓊腴

君王樂豈

皇天垂休

萬壽無疆

太子升階降階及與宴官升殿並奏和寧之曲同前

進第一爵登歌奏王道明昌之曲

對天鴻休

于以鋪張

巍巍煌煌

超冠百王

皇圖皇綱

時惟明昌

杜福無疆

于民敷揚

行群官酒官縣和寧之曲文舞入設群官食奏功成

治定之舞三成止

聖德高明

如天聰明

多方治平

功大有成

流于聲音

形于蹈舞

頒賞群臣

以昭禮遇

進第二爵登歌奏天子萬年之曲

惟明后御寰瀛躋升平飛英聲功三王德五帝游巖廊
億萬歲

行群臣酒宮縣和寧之曲武舞入設群臣食奏四海
會同之舞三成止

地平天成

時和歲豐

遐衡弗迷

率惟敕功

受天之祐

四方來荷

千萬斯年

不遐有佐

進第三爵登歌嘉禾之曲

景命赫斯歸吾皇仁風洋洋被遠荒琛寶旅庭趨明光

氣和薰蒸為嘉祥殊本合穗真異常庾如坻京歲且穰

猗歟鴻休超前王播為聲詩傳無疆行群臣酒設群官食群官降階官降

並奏和寧之曲並用太簇調御座奏泰寧之曲

大定十一年行冊禮十八年上受命寶皆有樂章不

悉載

天德二年十月冊立中宮皇帝將升御座官縣奏乾寧之

曲降座同

人道大倫

王化所基

明聖稽古

陰教欲施

臨軒發策

脩舉彛儀

闕睢麟趾

宜播聲詩

冊寶入門奏昌寧之興出門同

羽衛充庭

淑旂徽章

禮儀具舉

涓辰以良

相我內訓

末儀樹芳

億萬斯年

邦家之光

將受冊寶以冊寶入門宮縣奏肅寧之曲吟歸并降

塗山興夏

關雎美周

坤儀之尊

母臨九州

瑤冊緯衣

光配凝旒

地久天長

福祿是道

后出閣奏順寧之曲并降座同

天立厥配

任妙比隆

母儀四海

化行六宮

日月並明

乾坤合德

于萬斯年

作儷宸極

受冊奏坤寧之曲

風化之始

由于壹闡

禮文斯脩

爰正坤儀

惟順以慈

麗聖同德

則百斯男

垂統無疆

大定八年正月冊皇太子皇帝將升御座宮縣洪寧之曲

並同太簇宮

會朝清明

臨軒脩禮

天威皇皇

臣工濟濟

於昭元良

膺茲典冊

對敷洪休

卜年萬億

皇太子入門奏肅寧之曲

光昭前星

惟天垂像

稽古而行

主器以長

曲禮告成

遐邇屬望

國本既隆

繁釐永享

群臣合班奏嘉寧之曲

於皇臨軒

禮崇上嗣

惟卷之祺

辨方正位

言觀其儀

瞻瞻齊濟

美歸吾君

太平萬歲

皇太子復受冊位奏和寧之曲

祖功艱難

經營締構

基牢根深

枝繁葉茂

于昭貽謀

駢休集祐

元良斯貞

吾皇萬歲

大定二十七年三月冊皇太孫皇帝將升御座宮縣泰寧

之曲 並始洗宮

上天叢林

申錫祚胤

孫謀有貽

臨軒體正

煌煌上儀

欣欣衆聽

隆我邦本

無疆惟慶

皇太孫入門奏慶寧之曲

出門同

寶源流光

流光惟遠

孫謀有貽

慶緒昭衍

于樂衆望

于皇備典

勅容周旋

承茲嘉美

群臣合班奏順寧之曲

冕旒當宇

徽章備舉

綵仗充庭

金石列簠

濟濟多士

翼翼就序

海潤山暉

傾聽樂府

皇太孫復受冊位奏保寧之曲

禮之攸聞

丕建世嫡

衆論協從

天心不易

名崇震宮

辭著瑞冊

社稷宗廟

無疆夷懌

鼓吹導引曲

天眷三年九月駕幸燕京導引曲

無射宮

五年一狩仙仗到人間問稼穡艱難蒼生洗眼秋光裏
今日見天顏金戈玉斧臨香火馳道六龍閑歌謠到處
皆相似天子壽南山

天德二年三月駕幸廻鑾導引曲

禮成廟享御衛拱飛龍諸道起祥風
太平天子多受福
孝德與天通鳳簫龍管韶音奏
聲在五雲中
燦然雲物
昭治世萬億禩無窮

貞元元年三月駕華中都導引曲

並姑洗宮

鑾輿順動喜氣滿神京輦路宿塵清
鈎陳萬旅隨天伏
縹緲轉霓旌都人望幸傾
充日鰲忤溢
惟聲臨觀八極
宸居正寰宇慶昇平

采茨曲

新都春色滿華蓋
定全燕時運千齡
協星辰五緯連大
龍承曉日丹鳳倚
中天王氣盤山海
皇居億萬年

貞元三年十一月祫享迴鑾采茨曲

並州

慶成迴大駕仙仗紫雲深
龍袞輝千騎嵩呼間八音
太

平輿緝禮萬國得惟心孝假永遐福穰穰永降臨

正隆六年六月駕幸南京導引曲

林鍾宮

神居壯麗宮殿厭蓬萊向曉九門開聖明天子初巡幸
遙駕六龍來五雲影裏排仙仗清驛絕纖埃都人齊唱

昇平曲更進萬年盃

采茨曲

林鍾宮

霞闕層雲表澄景開清曉六龍天上來馳道平如掃虞
巡五載合夏諺一遊同都人欣豫意寫入頌聲中

大定三年十月拾享迴鑾導引曲應鍾宮自後親祀並用
禮行清廟華黍薦年豐聖孝與天通六龍迴馭千官衛
玉振珮環風黃麾金輅嚴天仗霏霧鬱葱葱歌疊奏昇
平曲福祿自來崇

采茨曲

應鍾宮自後親祀並同

大宮崇烈考大禮慶初成仙仗迴雲步天階嚴蹕聲舜
宮合至孝周頌詠維清介福應穰簡歡交萬國情

大定二十七年三月皇太孫受冊謝廟導引曲

瓊源濬發衍慶自靈長聖運日隆昌震闡顯冊遵彝典
基緒煥重光維時廟見嚴昭報禮樂燦成章精誠潛格
神明助福祿永無疆

元

成祖大德六年合祀天地五方帝樂章

降神奏乾寧之曲六成

圜鍾宮三成

惟皇上帝

監德昭明

祚考承天

治底隆平

孝思維則

裡祀薦誠

神其降格

萬福來駢

黃鍾角一成

詞同前

姑洗羽一成

詞同前

初獻盥洗奏肅寧之曲

黃鍾宮

明水在下

鐘鼓既奏

有孚顒若

陟降左右

辟公處止

多士裸將

吉蠲以祭

上帝其饗

初獻升降奏肅寧之曲

大呂宮

裡祀孔肅

盥洗初升

攝齊恭敬

以薦惟馨

肅雖多士

來格百靈

降福受釐

萬世其承

奠玉幣奏億寧之曲

宗祀配饗

肇舉明禋

嘉王既設

量幣斯陳

惟德格天

惟誠感神

千萬斯年

休命用申

迎俎奏豐寧之曲 黃鍾宮

有碩斯俎

有滌斯牲

鑾刀屢奏

血管載升

禮崇蘭栗

氣達尚腥

上帝臨止

享于克誠

酌獻奏嘉寧之曲 大呂宮

崇崇泰時

穆穆昊穹

神之格思

聆響斯通

犧尊載列

黃流在中

酒既和止

萬福攸同

亞獻

六成既闋

三獻云終

神其爵止

穆穆雍雍

和風廣雲

賁我郊宮

受茲祉福

億載無窮

終獻

詞同前

徹籩豆奏豐寧之曲

大呂宮

禋禮既脩

神其宴娛

籩豆有楚

廢徹不遲

多士駿奔

樂且有儀

乃錫純嘏

永佐丕基

送神奏 園鍾宮

殷祀既畢

靈馭載旋

禮令和應

降福自天

動植咸若

陰陽不愆

明明天子

億萬斯年

望燎奏 黃鍾宮

享用百禮

慶洽百靈

奠玉高壇

燔柴黃庭

祥光達曙

粲若景星

神之降福

萬國咸寧

大德九年以後定擬親祀樂章

皇帝入中壇 黃鍾宮

赫赫有臨

洋洋在上

克配皇祖

於穆來享

肇此大禋

乾文弘朗

被袞園丘

巍巍玄象

皇帝盥洗

黃鍾宮

翼翼孝思

明德洽禮

功格玄宰

有光帝始

著我精誠

潔茲薦洗

幣王攸奠

永集嘉祉

皇帝升壇降同

大呂宮

天行惟健

盛德御天

日月麗章

荀簾宮縣

葉蘇尚明

禮壁蒼園

神之格思

香升播煙

降神奏天成之曲

圜鍾宮三成

烝哉皇元

丕承帝眷

報本貴誠

于郊殷薦

葦蕡載陳

雲門六變

神之格思

來處來燕

黃鍾角一成

大簇徵一成

姑洗羽一成

詞並同前

初獻盥洗奏隆成之曲

黃鍾宮

肇禋南郊

百神受職

齊潔惟先

匪罄千稷

迺沃迺盥

祠壇是陟

上帝監觀

其儀不忒

初獻升降奏隆成之曲

大呂宮

於穆園壇

陽郊奠位

孔惠孔時

吉蠲爲饈

降登祇若

百禮既至

願言居歆

允集熙事

奠王幣

正配位同

奏欽成之曲

黃鍾宮

謂天盖高

至誠則格

克祀克禋

駿奔百辟

王幣斯陳

杜以蒼璧

神其降康

俾我來益

司徒捧俎奏寧成之曲

黃鍾宮

我牲既潔

我俎斯實

笙鏞克諧

遵豆有奕

神來宴娛

歆茲明德

永錫繁禧

如幾如式

昊天上帝位酌獻奏明成之曲

黃鍾宮

於昭昊天

臨下有赫

陶匏薦誠

馨聞在德

酌言獻之

上靈自格

降福孔偕

時萬時億

皇地祇位酌獻 大呂宮

至哉坤元

與天同德

溥育群生

玄功莫測

合饗園壇

舊典時式

申錫無疆

聿寧王國

太祖位酌獻 黃鍾宮

禮大報本

郊定天位

皇皇神祖

反始克配

至德難名

玄功宏濟

帝典式敷

率育攸暨

皇帝飲福 大呂宮

特牲享誠 脩物循質 上帝居歆

百神受職 皇武昭宣 孝祀芬苾

萬福攸同 下民陰騭

皇帝出入小次 黃鍾宮

惟天爲大 惟仁享帝 以配祖考

肅贊靈祉 定極崇功 永我昭事

升中于天 象物畢至

文舞退武舞進奏和成之曲 黃鍾宮

羽籥既竣 載揚王威 一弛一張

匪舒匪棘 八音克諧 萬舞有奕

永觀厥成

純嘏是錫

亞終獻奏和成之曲

黃鍾宮

有嚴郊禋

恭陳幣玉

大禧是承

載祗載肅

上帝居歆

馨香既飫

惠我無疆

介以景福

徹籩豆奏寧成之曲

大呂宮

三獻攸終

六樂始徧

既右享之

徹其有踐

洋洋在上

默默靈養

明禋告成

於皇錫羨

送神奏天成之曲

圜鍾宮

神之來歆

如在左右

神保聿歸

靈旂先後

恢恢上圓

無聲無臭

日監孔昭

思皇多祐

聖燎奏隆成之曲

黃鍾宮

熙事脩成

禮文郁郁

柴禋聿升

靈光下燭

神人樂康

永膺戩穀

祚我不平

景命有僕

皇帝出中壝

黃鍾宮

泰壇永光

寥廓玄曖

暢我揚明

享儀惟天

九服敬宣

聲教無外

皇拜天祐

昭臨斯福

世祖中統四年至元三年七室樂事

太祖第一室

天垂靈顧

地獻中方

帝力所拓

神武莫當

陽谿昧谷

咸服要荒

昭孝明禋

神祖皇皇

太宗第二室

和林勝域

天邑地宮

南北來同

百司分置

胄教肇崇

潤色祖業

德仰神宗

睿宗第三室

珍符默授

嚆首自天

爰生聖武

寶祚開先

霓旌迴狩

龍駕遊仙

追遠如生 皇慕頤然

皇伯考木赤第四室

威武鷹揚 冢位克當 從龍遠招

千萬里疆 誕總虎旅 駐壓四方

航海梯山 東西來王

皇伯考察合帶第五室

雄武軍威 滋多歷年 深謀遠畧

協贊惟專 流沙西域 餞日東邊

百國畏服 英聲赫然

定宗第六室

三朝承休 恭已優游 欽繩祖武

其德聿修

帝懋錫壽

德澤期周

蠲饒惟薌

祈享于幽

憲宗第七室

龍躍潛居

風雲會通

知民病苦

軫念宸衷

夔門之旅

繼志圖功

俎豆敬祭

華一孔隆

至元四年至十七年八室樂章

迎神奏來成之曲九成

黃鍾宮三成

齊明盛服

翼翼靈眷

禮脩多儀

樂成九變

烝烝孝心

若聞且見

盼饗端臨

來寧來燕

大呂角二成 太簇徵二成

應鍾羽二成 詞並同黃鍾

初獻盥洗奏肅成之曲 至大以後名順成之曲無射再詣盥洗同詞律同

宮

天德惟何 如水之清 維水內耀

配彼天明 以滌以濯 犧象光精

孝思維則 式薦忱誠

初獻升殿登歌樂奏肅成之曲 降同夾鍾宮

祀事有嚴 大宮有恤 陟降靡違

禮容翼翼 邇豆旅陳 鐘磬翕釋

於昭吉蠲 神保是格

司徒捧俎奏嘉成之曲

別本所錄親無射宮祀樂章詞同

色純體全

三犧五牲

鸞刀屢奏

毛魚載奠

神其厭飫

聽我磬聲

居歆有永

胡考之寧

烈祖第一室奏開成之曲

無射宮

於皇烈祖

積源流長

大勲未集

燮伐用張

篤生聖嗣

奄有多方

錫我景福

萬世無疆

太祖第二室奏武成之曲

無射宮

天扶昌運

混一中華

爰有真人

奮起龍沙

際天開宇

巨海爲家

義馭未出

螢燐騰光

大明麗天

群陰披攘

百神受職

四海寧康

惜惜靈韶

德音不忘

文舞退武舞進奏和成之曲

別本錄親祀樂章同

無射宮

天生五材

孰能去兵

恢張鴻業

我祖天聲

干戈曲盤

濯濯厥靈

於赫七德

展兆大成

亞獻行禮奏順成之曲

終獻詞律同

無射宮

幽通神明

所重精禋

清宮肅肅

百禮具陳

九韶克諧

八佾既

靈光昭答

天休日申

徹籩豆祭歌樂奏豐成之曲 夾鍾昭

豆籩芬 金石鏘鏗 禮終三獻

樂奏九成 有嚴執事 進徹無聲

神保聿歸 萬福來寧

送神奏文成之曲 或作保成 黃鍾宮

神主在室 神靈在天 禮成樂闋

神返幽玄 降福冥冥 百順無愆

於皇孝思 千萬斯年

至元十八年世祖星后禮廟酌獻樂 黃鍾宮

徽柔懿哲 溫默靖恭 範儀宮闈

姪姒同風 敷天宣謚 內助多功

肇修禋祀

萬世無涯

太宗第三室奏文成之曲

無射宮

纂成前烈

底定丕圖

禮文簡省

禁網寬疎

還風太古

躋古華胥

三靈順協

四海無虞

皇伯考木赤第四室奏弼成之曲

神支挺秀

右壤䟽封

創業艱難

相我祖宗

敘親伊邇

論功亦崇

春秋祭祀

萬世攸同

皇伯考察合帶第五室奏協成之曲

無射宮

玉牒蕃親

神友懿屬

論德䟽封

展親分玉

相我祖宗

風櫛雨沐

昔同其勞

今共茲福

睿宗第六室奏明成之曲

無射宮

祖宗創業

爰着戎衣

聖考撫軍

代行天威

河南底定

江北來歸

貽謀翼子

奕葉重輝

定宗第七室奏熙成之曲

無射宮

嗣承丕祚

累洽重熙

堂構既定

垂拱無爲

遑庭閑暇

田里安綏

歆茲禋祀

萬世攸宜

憲宗第八室奏威成之曲

無射宮

淑德祔廟

萬世昌隆

親祀禘祫樂章

未詳年月太常集禮云別本所錄以時考之疑至元三年以前擬用詳見制樂

始未

皇帝入門宮縣奏順成之曲

無射宮

熙熙雍雍

六合大同

維皇有造

典禮會通

金奏四夏

祗擬神宮

感格如響

嘉氣來叢

皇帝升殿奏順成之曲

夾鍾宮

皇明燭幽

沿時制作

宗廟之威

降登時若

趨以采齊

聲容有恪

曰藝曰文

監茲衍樂

皇帝詣壘洗宮縣奏順成之曲太常集禮云至元四年用此曲名曰肅成

至大以後用此無射宮詞律並同

酌彼行潦 維挹其清 潔齊以祀

祀事昭明 肅肅辟公 沃盥乃升

神之至止

皇帝詣酌尊所宮縣奏順成之曲 無射宮

靈庭懽懽 乃神攸依 文為在禮

載斟匪祈 皇皇穆穆 玉珮聲希

列侯百辟 濟濟威儀

迎神宮縣奏思成之曲至元四年名來成之曲詞律同

司徒捧俎宮縣奏嘉成之曲至元四年詞律同

酌獻始祖宮縣奏慶成之曲 無射宮

啓運流光 幅員既長 敬恭祀事

鬱鬯芬薌 德以舞象 功以歌揚

式歌再舞 神享是皇

諸廟奏熙成昌成鴻成樂成康成明成等曲 詞闕

文舞退武舞進宮縣奏肅成之曲 至元四年名和成之曲詞律同

亞終獻宮縣奏肅成之曲 至元四年名順成之曲詞律同

皇帝飲福登歌奏釐成之曲 夾鍾宮

誠通思降 靈茲昭宣 左右明命

六合大全 啐飲椒馨 純嘏如川

皇人壽穀 億萬斯年

徹豆登歌奏豐成之曲 夾鍾宮

三獻九成 禮畢樂闋 于豆于登

于焉靖徹 多士密勿 樂且有儀

能事脫穎 孔惠孔時

送神奏保成之曲 黃鍾宮

雲車之來 不疾而速 風馭言還

聞其恍惚 神心之欣 孝孫之祿

燕翼無疆 景命有僕

武宗至大以後親祀樂章

皇帝入門奏順成之曲

皇帝盥洗奏順成之曲

皇帝升殿登歌樂奏順成之曲

皇帝出入小次奏昌寧之曲 無射宮

於皇神宮 象天清明 肅肅來止

相維公卿 威儀孔彰 君子攸寧

神之休之 綏我思成

迎神奏思成之曲 至元四年名來成之曲 詞律同

黃鍾宮三成

齊明盛服 翼翼靈眷 禮備多儀

樂成九變 烝烝孝心 若聞且見

盼饗端臨 來寧來燕

大呂角二成 太簇徵二成

應鍾羽二成

詞並同上

初獻盥洗奏肅成之曲

別本親祀樂章名
成之曲詞律同

初獻升降登歌樂奏肅寧之曲

至元四年名肅
成之曲詞律同

司徒捧俎奏嘉成之曲

至元四年曲
名詞律同

太祖第一室奏開成之曲

至元四年名武
成之曲詞同

睿宗第二室奏武成之曲

至元四年名明
成之曲詞同

世祖第三室奏混成之曲

於昭皇祖

體健乘乾

龍飛應運

盛德光前

神功耆定

澤被垓埏

貽厥孫謀

何千萬年

裕宗第四室奏昭成之曲

無射宮

天啟深仁

須世而昌

追惟顯考

敢後光揚

徽儀肇舉

禮備音錡

皇靈監止

降釐無疆

順宗第六室奏慶成之曲

無射官

龍潛于淵

德昭于天

承休基命

光被紘埏

洋洋如臨

邁豆牲牷

惟明惟馨

皇祚綿延

成宗第七室奏守成之曲

無射官

天開神聖

繼世清寧

澤深仁溥

樂協韶英

宗支嘉會

氣和惟馨

繁禧來格

永被皇靈

武宗第八室奏威成之曲 無射宮

紹天鴻業 繼世降平 惠孚中國

威靖邊庭 厥功惟茂 清廟妥靈

歆茲明祀 福祿來成

仁宗第九室奏歆成之曲 無射宮

紹隆前緒 運啟文明 深仁及物

至孝躬行 惟皇建極 盛德難名

居歆萬祀 福祿崇成

英宗第十室奏獻成之曲 無射宮

神聖繼作 式是憲章 誕興禮樂

躬事蒸嘗 翼翼清廟 燁有耿光

於千萬年

世仰明良

皇帝飲福登歌樂奏釐成之曲 夾鐘宮

穆穆天子

禋祀太宮

禮成樂備

敬徹誠通

神胥樂止

錫之醇醲

天子萬世

福祿無窮

文舞退武舞進奏肅成

軀本

之曲

至元四年名和成之曲詞律同

亞終獻行禮宮縣奏肅成之曲

至元四年名順成之曲詞律同

徹籩豆登歌樂奏豐寧之曲

至元四年名豐成之曲詞律同

送神奏保成之曲

至元四年名來成之曲詞律同

皇帝出廟庭奏昌寧之曲

無射宮

緝熙惟清

吉蠲致誠

上儀具舉

明德薦馨

已事而竣

歡通三靈

先祖是皇

來燕來寧

文宗天曆三年明宗祔廟酌獻奏永成之曲 無射宮

猗那皇明

世續神武

敬天弗違

時潛時旅

龍旂在塗

言受茲土

不遐有臨

永錫多嘏

社稷樂章

降神奏

寧之曲

林鍾宮二成

以社以方

國有彛典

大哉元德

基祚綿遠

農功萬世

於焉報本

顯相默祐

降監壇墀

大簇角一成

錫民地利

厥功甚溥

昭代典禮

清聲律呂

穀旦于茲

洋洋來下

相此有年

根本日固

姑洗徵二成

平厥水土

百穀用成

長扶景運

宜歌德馨

五祀爲大

千古舉行

感通彤纓

登歌鎮寧

南宮羽二成

幣齊虔修

染盛告備

倉庾坻京

繫維之賜

崇壇致恭

幽光孔邇

享于積誠

休祥畢至

初獻盥洗奏肅寧之曲

太簇宮

禮備樂陳

辰良日吉

挹彼樽罍

馨哉黍稷

濯漑揭虔

維巾及綦

萬年嚴祀

踰踰受職

初獻升壇奏肅寧之曲降同應鍾宮

春祈秋報

古今藝章

民天是資

神靈用彰

功崇禮嚴

人阜時康

雍雍爲儀

燔芬苾苳

正配位奠玉幣奏億寧之曲

太簇宮

地祇嚮德

稽古美報

幣帛斯陳

圭璋式表

載烈載燔

有羞致告

兩賜時若

丕圖永保

司徒捧俎奏豐寧之曲

太簇官

我嫁既同

群黎徧德

我祀如何

牲牷孔碩

有翼有嚴

隨方布色

報功求福

其儀不忒

正位酌獻奏保寧之曲

太簇官

異世同德

於皇聖造

降茲嘉祥

衛我大寶

生乃蒸民

侔德覆幬

厥作裸將

有相之道

配位酌獻奏保寧之曲

太簇官

以御田祖

皇家秩祀

亦民人焉

盡究本始

惟叙惟修

誰實介止

酒旨且多

盛德宜配

亞終獻奏咸寧之曲

太簇官

以引以翼

來處來燕

豆邊牲牢

有楚有踐

庸荅神休

神亦錫羨

土穀是依

成此醕獻

徹豆奏豐寧之曲

應鍾官

文治修明

相成田功

功為特殊

儀為特隆

終如其初

誠則能通

明神毋怠

時和歲豐

送神奏鎮寧之曲 林鍾宮

不屋受陽

國所崇敬

以興來歲

苞秀堅穎

雲駢莫駐

神其諦聽

景命有僕

與國同永

望瘞位奏肅寧之曲

太簇宮

雅奏肅寧

繁隆降格

筐厥玄黃

丹誠烜練

肇祀以歸

瞻言咫尺

萬年攸介

丕承帝德

先農饗車

降神奏鎮寧之曲

林鍾宮二成

民生斯世

食焉之天

恭惟大聖

盡心于田

仲春勸農

明祀吉蠲

馨香感神

用祈豐年

太簇角二成

耕種務農

振古如茲

爰粒烝烝

功德茂垂

降嘉奏艱

國家攸宜

所依惟神

庸潔明粢

姑洗徵二成

俶載平疇

農功肇敏

千耦耕耘

同徂隰畛

日祖丕靈

爲仁至盡

豐歲穰穰

延洪有引

南呂羽二成

群黎力耕

及茲方春

維時東作

篤我農人

我黍既華

我稷宜新

由天降康

永賴明神

初獻盥洗奏肅寧之曲

太簇宮

涸酌行潦

真是爲薦

奉茲潔清

神在乎前

分作甘霖

沾溉芳甸

慎于其初

誠意攸見

初獻升壇奏肅寧之曲

應鍾宮

有椒其馨

維多甘旨

式慎爾儀

降登庭止

黍稷稻粱

民無渴饑

神嗜飲食

永綏嘉祉

正配位奠王幣奏億寧之曲 太簇宮

奉幣惟恭 前陳嘉王 聿昭盛儀

肅雝純如 南畝深耕 麻麥未菽

用祈三登 膺受多福

司徒捧俎奏豐寧之曲 太簇宮

奉牲孔嘉 登俎豐備 地官駁奔

趨進光輝 肥碩蕃孳 飲此誠意

有年斯令 均被神賜

正位酌獻奏保寧之曲 太簇宮

寶壇魏煌 神應如響 備腍咸有

牲體芬芳 洋洋如在 降格來享

秉誠罔怠

群生瞻仰

配位酌獻奏保寧之曲

太簇宮

酒清斯香

牲碩斯大

具列觴俎

精意先會

民命維食

稗莠毋害

我倉萬億

神明攸介

亞終獻奏咸寧之曲

太簇宮

至誠攸感

眎嚮潛通

百穀嘉種

爰降時豐

祈年孔夙

稼穡爲重

俯歆醴齊

載揚歌頌

徹俎豆奏豐寧之曲

應鍾宮

有來雍雍

存誠敢匱

廢徹不遲

靈神攸嗜 孔惠孔時 三農是宜

眉壽萬歲 穀成丕乂

送神奏鎮寧之曲 林鍾宮

君高悽愴 萬靈來笑 靈神具醉

聿言旋歸 歲豐時和 風雨應期

皇圖萬年 永膺洪禧

望瘞位奏肅寧之曲 無射宮

禮成文備 歆受親祀 加牲兼幣

陳玉如儀 靈馭言旋 面陰昭瘞

集茲嘉祥 常致豐歲

宣聖樂章

迎神奏凝安之曲 黃鍾宮三成

大哉宣聖

道尊德崇

維持王化

斯文是宗

典祀有常

精純並隆

神其來格

於昭盛容

大呂角二成

生而知之

有教無私

成均之祀

威儀孔時

惟茲初丁

絜我盛粢

永言其道

萬世之師

太簇徵二成

巍巍堂堂

其道如天

清明之象

應物而然

時維上丁

備物薦誠

紳新禮典

樂譜中聲

應鍾羽二成

聖王生知

闡乃儒規

詩書文教

萬世昭垂

良日惟丁

靈承不爽

揭此精虔

神其來饗

初獻盥洗奏同安之曲

姑洗宮

望瘞同

右文興化

憲古師經

明祀有典

吉日惟丁

豐穰在俎

雅奏在庭

周迴陟降

福祉是膺

初獻升殿奏同安之曲

降同

南呂宮

誕興斯文

經天緯地

功加于民

寔千萬世

笙鏞和鳴

粢盛豐備

肅肅降登

歆茲秩祀

奠幣奏明安之曲 南呂宮

自生民來

誰底其盛

惟王神明

度越前聖

粢幣具成

禮容斯稱

黍稷惟馨

惟神之聰

捧俎奏豐安之曲 姑洗宮

道洞乎天

人倫之至

有享無窮

其興萬世

既繁斯牲

粢明醑旨

不懈以忱

神之來暨

大成至聖文宣王位酌獻奏成安之曲 南呂宮

大哉聖王

實天生德

作樂以崇

時祀無斁

清酤惟馨

嘉牲孔碩

薦羞神明

庶幾昭格

充國復聖公位酌獻奏成安之曲 南呂宮

庶幾屢空

淵源深矣

亞聖宣猷

百世宜祀

吉蠲斯辰

昭陳尊簋

旨酒欣欣

神其來止

廊國宗聖公酌獻奏成安之曲 南呂宮

心傳忠恕

一以貫之

爰述大學

萬世訓彝

惠我光明

尊聞行知

繼聖迪後

是享是宜

泗國述聖公酌獻奏成安之曲 南呂宮

公傳自魯 孟傳自公 有嫡緒承

允得其宗 提綱開蘊 乃作中庸

侑于元聖 億載是崇

鄒國亞聖公酌獻奏成安之曲 南呂宮

道之由興 於皇宣聖 維公之傳

人知趨正 與享在堂 情文斯稱

萬年承休 假哉天命

亞獻奏文安之曲 終獻同 姑洗宮

百王宗師 生民物軌 瞻之洋洋

神其寧止 酌彼金罍 惟清且旨

登獻惟三 於嘻成禮

飲福受胙與盥洗同惟國學釋奠親祖用之

徹豆奏娛安之曲 南呂宮

犧象在前 豆蓬在列 以享以薦

既芬既潔 禮成樂脩 人和神悅

祭則受福 率其無越

送神奏寢安之曲 黃鍾宮

有嚴學宮 四方來崇 恪恭祀事

威儀雍雍 歆茲惟馨 駸馭回復

明禋斯畢 咸膺百福

續文獻通考卷之一百五十六終